

III. OUTRAS DISPOSICIÓNS

CONSELLERÍA DE EDUCACIÓN E ORDENACIÓN UNIVERSITARIA

Decreto 204/2005, do 14 de xullo, polo que se fixan os prezos correspondentes aos estudos conducentes á obtención de títulos oficiais no ensino universitario para o curso 2005-2006.

A Lei orgánica 6/2001, do 21 de decembro (BOE do 24 de decembro), de universidades, establece no seu artigo 81.3º b) que lle corresponde á comunidade autónoma fixar as taxas académicas polos estudos conducentes á obtención de títulos oficiais no ensino universitario, dentro dos límites que a nivel estatal estableza o Consello de Coordinación Universitaria do MEC. Para os restantes estudos serán fixados polo Consello Social, artigo 81.3º c) da respectiva universidade, e de acordo co disposto na Lei 1/2003, do 9 de maio, dos consellos sociais do sistema universitario de Galicia, no seu artigo 4 e).

A Lei 8/1989, do 13 de abril (BOE do 15 de abril), de taxas e prezos públicos outórgalle ás referidas taxas a consideración de prezos públicos. Pola súa parte, a Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia, establece no seu artigo 43 que se entende por prezos públicos.

Neste contexto normativo, este decreto fixa os importes que pagarán os alumnos polos estudos conducentes á obtención de títulos de carácter oficial e validez nacional no ensino universitario, dentro dos límites que fixe o Consello de Coordinación Universitaria, que este ano, nas sesións das súas comisións mixta e de coordinación, celebradas respectivamente o 10 e 11 de maio de 2005 (BOE nº 123, do 24 de maio), fixou, para o curso 2005-2006, o límite mínimo de aumento dos prezos académicos e demais dereitos polos estudos conducentes á obtención de títulos universitarios oficiais na porcentaxe de incremento do IPC, definido no período que vai do 30 de abril de 2004 ao 30 de abril de 2005, e o límite máximo no IPC incrementado en 4 puntos.

Tendo en conta as previsións macroeconómicas xerais para Galicia, e a distinción entre ensinanzas renovadas e non renovadas, así como a diferenza entre o prezo da 1ª e 2ª matrícula fronte ao prezo da 3ª e sucesivas matrículas (Decreto 263/1993, do 28 de outubro), e ao abeiro do establecido no artigo 47 da Lei de Galicia 6/2003, do 9 de decembro, de taxas, prezos e exaccións reguladoras da Comunidade Autónoma de Galicia, cómpre fixar os prezos correspondentes ao ano académico 2005-2006 polos estudos universitarios conducentes a títulos oficiais, incrementando os prezos do curso pasado na contía correspondente á suba do IPC estatal determinado entre o 30 de abril de 2004 e o 30 de abril de 2005 máis 0,5 puntos (é dicir, o 4%).

Por todo o que antecede, en virtude das atribucións que me confire a Lei 11/1988, do 20 de outubro, de reforma da Lei 1/1983, do 22 de febreiro, reguladora da Xunta e do seu presidente, por proposta do conselleiro de Educación e Ordenación Universitaria, co informe do Consello Galego de Universidades, e logo de deliberación do Consello da Xunta de Galicia, na súa reunión do día catorce de xullo de dous mil cinco,

DISPOÑO:

Artigo 1º.-Ámbito de aplicación.

1. Os prezos que se pagarán no curso 2005-2006 polos estudos conducentes á obtención de títulos oficiais no sistema universitario de Galicia, serán os establecidos segundo as normas deste decreto na contía que se sinala no anexo.

2. O importe dos prezos por estudos conducentes a títulos ou diplomas que non teñan carácter oficial será fixado nas universidades galegas polo seu respectivo Consello Social, de conformidade co establecido no artigo 81.3º c) da Lei orgánica 6/2001, de universidades e a Lei 1/2003, do 9 de maio, dos consellos sociais do sistema universitario de Galicia, no seu artigo 4 e).

Artigo 2º.-Modalidades de matrícula.

1. Ensinanzas non renovadas. Os prezos públicos establecidos nos puntos 1.1 da tarifa primeira do anexo deste decreto poderán aboarse por curso completo ou por materias. As materias poderán ser anuais ou cuadrimestrais, de acordo co establecido pola universidade, en función do número de horas lectivas que figure nos plans de estudos. O importe do prezo aplicable para as materias cuadrimestrais será a metade do establecido para as anuais.

2. Ensinanzas renovadas. No caso de ensinanzas renovadas os prezos públicos establecidos nos puntos 1.2 da tarifa primeira do anexo deste decreto poderán aboarse por curso completo ou por materias. Neste último caso, o importe das materias calcularase de conformidade co número de créditos asignado a cada unha delas e o prezo establecido para o crédito.

3. Cando un alumno se matricule nunha mesma materia ou disciplina por terceira vez ou posteriores veces, o importe correspondente á devandita disciplina verase incrementado nun 25%.

Artigo 3º.-Matrícula de materias soltas.

1. Os alumnos poderán matricularse de materias soltas con independencia do curso a que estas correspondan, excepto cando se establezan incompatibilidades académicas pola universidade.

2. O importe do prezo establecido para cada disciplina solta será diferente segundo que o curso ao que corresponda estea constituído por menos de sete materias anuais ou por sete ou máis materias anuais. Para estes efectos unha disciplina anual será equivalente a dúas cuadrimestrais.

3. O exercicio do dereito de matrícula establecido no parágrafo anterior non obrigará a modificación do réxime de horarios xerais determinados en cada centro de acordo coas necesidades dos seus plans de estudo.

4. Non obstante o establecido nos artigos anteriores, aqueles alumnos que empecen os seus estudos de ensinanzas renovadas ou non renovadas, deberán matricularse do primeiro curso completo, coa excepción dos casos en que sexan validadas materias do dito primeiro curso.

Artigo 4º.-Matrícula en créditos de libre elección.

Os créditos correspondentes a libre elección serán aboados de acordo coa tarifa establecida para a titulación que se pretende obter, con independencia do departamento ou centro onde se cursen os ditos créditos.

Artigo 5º.-Forma de pagamento da matrícula.

Consonte co disposto no artigo 20.3º do Decreto 61/2005, do 7 de abril, polo que se ditan as normas para a xestión, liquidación e recadación de taxas e prezos públicos da Comunidade Autónoma de Galicia, as universidades galegas, por resolución reitoral, establecerán os prazos de matriculación dos alumnos que cursen os seus estudos nesa universidade.

O feito de non facer efectivo o pagamento da matrícula ou dalgún dos seus fraccionamentos nos prazos que establece cada universidade, poderá comportar a suspensión temporal dos dereitos dos alumnos e, exixiranse os correspondentes pagamentos pola vía de constrinximento consonte co disposto no artigo 48.6º da Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia.

Sen prexuízo do establecido no parágrafo anterior, as universidades exixirán o pagamento das cantidades pendentes por matrículas de cursos académicos anteriores, como condición previa de matrícula ou de expedición de títulos ou certificados.

Artigo 6º.-Centros adscritos.

Os alumnos dos centros adscritos aboaranlle á universidade, en concepto de expediente académico e de proba de avaliación, o 25% dos prezos establecidos na tarifa primeira do anexo, sen prexuízo do establecido no correspondente convenio. Os demais prezos aboaranse na contía íntegra prevista.

Artigo 7º.-Adaptación a novos plans de estudo e validación de estudos.

1. O procedemento de adaptación aos novos plans de estudo será gratuito. Enténdese por adaptación aos novos plans de estudo a conversión das materias cursadas no plan de estudos de ensinanzas non renovadas, en créditos das materias do novo plan de estudos das ensinanzas renovadas, que conduzan á equiparación da titulación.

2. Os alumnos que obteñan a validación ou adaptación de cursos completos ou de materias soltas

por razón de estudos realizados en centros nacionais non estatais ou en centros estranxeiros aboaranlle á universidade o 25% dos prezos establecidos na tarifa primeira do anexo. Os demais prezos aboaranse na contía íntegra prevista.

3. Pola validación de estudos realizados en centros estatais non se aboarán prezos, agás se a validación é para a obtención doutro título académico. O prezo neste caso será do 25% dos prezos establecidos no anexo.

Artigo 8º.-Bolsas.

De conformidade co establecido no artigo 3.1º do Real decreto 2298/1983, do 28 de xullo (BOE do 27 de agosto), polo que se regula o sistema de bolsas e outras axudas ao estudo de carácter personalizado, os alumnos que reciban unha bolsa de estudos con cargo aos orzamentos xerais do Estado non estarán obrigados a pagar o prezo polos servizos académicos.

Os alumnos que no momento de formalizaren a matrícula se acollan á exención de prezos por teren solicitada a concesión dunha das bolsas de estudos xerais convocadas polo MEC e aos que, posteriormente, non se lles concedese esta, polo que resultaría que o alumno non tería dereito á axuda establecida de matrícula, estarán obrigados ao aboamento do prezo correspondente á matrícula que fixeron. De non aboar o prezo da matrícula, exixiranse os correspondentes pagamentos pola vía de constrinximento consonte co disposto no artigo 48.6º da Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia.

Artigo 9º.-Matrículas de honra.

As bonificacións correspondentes á aplicación dunha ou varias matrículas de honra, levaranse a cabo logo de facer o cálculo do importe total da matrícula, e no caso das ensinanzas renovadas, aplicarase ao número de créditos correspondentes á disciplina ou materias nas que obtivo a matrícula de honra.

Os estudantes con matrícula de honra global en 2º curso de bacharelato ou con premio extraordinario no bacharelato terán dereito, durante o primeiro ano e por unha soa vez, á exención total do pagamento dos prezos públicos por matrícula.

Artigo 10º.-Materias sen docencia.

No caso das materias de plans de estudos con dereito a exame pero nas que non se imparte xa docencia, pagarase por crédito ou disciplina, segundo corresponda, o 25% dos prezos da tarifa ordinaria.

Disposición derradeira

Este decreto entrará en vigor o día seguinte ao da súa publicación no *Diario Oficial de Galicia*.

Santiago de Compostela, catorce de xullo de dous mil cinco.

Manuel Fraga Iribarne
Presidente

Celso Currás Fernández
Conselleiro de Educación e Ordenación Universitaria

ANEXO

Tarifa primeira. Actividade docente

1.1. Ensinanzas non renovadas.

| | Primeira e segunda matricula | Terceira e sucesivas matriculas |
|---|------------------------------|---------------------------------|
| Epigrafe A) | | |
| Curso completo | 699,03 € | |
| Disciplina anual dun curso de menos de 7 materias | 181,74 € | 227,19 € |
| Disciplina anual dun curso de 7 ou máis materias | 120,30 € | 150,37 € |
| Epigrafe B) | | |
| Curso completo | 493,71 € | |
| Disciplina anual dun curso de menos de 7 materias | 125,90 € | 157,37 € |
| Disciplina anual dun curso de 7 ou máis materias | 83,92 € | 104,92 € |

| Epigrafe A) | Epigrafe B) |
|--|---|
| Licenciado en farmacia | Outros estudos de ensinanzas non renovadas conducentes a títulos oficiais de primeiro e segundo ciclo, distintos dos especificados na epigrafe A) |
| Licenciado en bioloxía | |
| Licenciado en matemáticas | |
| Licenciado en ciencia e tecnoloxía dos alimentos | |
| Licenciado en física | |
| Licenciado en química | |
| Licenciado en medicina | |
| Licenciado en odontoloxía | |
| Licenciado en veterinaria | |
| Licenciado en informática | |
| Licenciado en ciencias do mar | |
| Licenciado en belas artes | |
| Licenciado en ciencias da actividade física e do deporte | |
| Licenciado en mariña civil | |
| Arquitecto | |
| Enxeñeiro | |
| Arquitecto técnico | |
| Enxeñeiro técnico | |
| Diplomado en enfermaría | |
| Diplomado en fisioterapia | |
| Diplomado en terapia ocupacional | |
| Diplomado en informática | |
| Diplomado en óptica e optometría | |
| Diplomado en mariña civil | |

1.2. Ensinanzas renovadas (prezo dun crédito).

| | Primeira e segunda matricula | Terceira e sucesivas matriculas |
|-------------|------------------------------|---------------------------------|
| Epigrafe A) | 11,65 € | 14,56 € |
| Epigrafe B) | 8,23 € | 10,29 € |

| Epigrafe A) | Epigrafe B) |
|--|---|
| Licenciado en farmacia | Outros estudos de ensinanzas non renovadas conducentes a títulos oficiais de primeiro e segundo ciclo, distintos dos especificados na epigrafe A) |
| Licenciado en bioloxía | |
| Licenciado en matemáticas | |
| Licenciado en ciencia e tecnoloxía dos alimentos | |
| Licenciado en física | |
| Licenciado en química | |
| Licenciado en medicina | |
| Licenciado en odontoloxía | |

| | |
|--|--|
| Licenciado en veterinaria | |
| Licenciado en ciencias do mar | |
| Licenciado en belas artes | |
| Licenciado en comunicación audiovisual | |
| Licenciado en ciencias da actividade física e do deporte | |
| Licenciado en máquinas navais | |
| Licenciado en náutica e transporte marítimo | |
| Arquitecto | |
| Enxeñeiro | |
| Arquitecto técnico | |
| Enxeñeiro técnico | |
| Diplomado en enfermaría | |
| Diplomado en fisioterapia | |
| Diplomado en podoloxía | |
| Diplomado en logopedia | |
| Diplomado en terapia ocupacional | |
| Diplomado en óptica e optometría | |
| Diplomado en máquinas navais | |
| Diplomado en navegación marítima | |

Tarifa primeira. Actividade docente (prezo dun crédito)

| | |
|---|---------|
| 2. Estudos conducentes ao título de doutor | |
| Estudos conducentes a un título de doutor con denominación correspondente a un dos títulos especificados na epigrafe A) | 43,74 € |
| Estudos conducentes a un título de doutor con denominación correspondente a un dos títulos especificados na epigrafe B) | 30,87 € |
| 3. Estudos de especialidades | |
| Estudos de especialidades médicas que non precisen formación hospitalaria do parágrafo 3º do anexo do Real decreto 127/1984, do 11 de xaneiro, en unidades docentes acreditadas | 28,28 € |
| Estudos de especialidades en enfermaría en unidades docentes acreditadas, consideradas no Real decreto 992/1987, do 3 de xullo | 7,22 € |
| Estudos das especialidades de farmacia, análises clínicas, en escolas profesionais recoñecidas segundo o Real decreto 2708/1982, do 15 de outubro | 28,28 € |

Tarifa segunda. Avaliación e probas

| | |
|--|----------|
| 1. Probas de aptitude de acceso á universidade | 55,95 € |
| 2. Certificado de aptitude pedagóxica | 163,71 € |
| 3. Curso de iniciación e orientación para maiores de 25 anos | 83,49 € |
| 4. Proba de conxunto para homologación de títulos estranxeiros de educación superior | 102,41 € |
| 5. Proxectos fin de carreira | 102,90 € |
| 6. Suplemento europeo ao título | 67,60 € |
| 7. Exame para o grao de licenciado | 102,90 € |
| 8. Exame para o grao de doutor | 102,90 € |
| 9. Cursos e exame de reválida/tese de licenciatura nas escolas sociais | 102,90 € |
| 10. Obtención por validación do título de diplomado en escolas universitarias: | |
| a) Por avaliación académica e profesional conducente á devandita validación | 102,90 € |
| b) Por traballos exixidos para a dita validación | 171,36 € |

Tarifa terceira. Títulos e secretaría

| | |
|--|----------|
| 1. Expedición de títulos académicos | |
| a) Doutor | 160,91 € |
| b) Licenciado, arquitecto ou enxeñeiro | 108,19 € |
| c) Diplomado, arquitecto técnico ou enxeñeiro técnico | 52,82 € |
| d) Diploma de estudos avanzados | 52,00 € |
| e) Duplicados de títulos universitarios oficiais | 24,69 € |
| 2. Secretaría | |
| a) Apertura de expediente académico ao comezar os estudos | 19,61 € |
| b) Certificacións académicas e traslados de expediente académico | 19,61 € |
| c) Expedición e mantemento de tarxetas de identidade | 4,21 € |

Orde do 5 de xullo de 2005 pola que se resolve a convocatoria de axudas económicas para a realización de actividades de formación dirixidas ao profesorado de niveis non universitarios da Comunidade Autónoma de Galicia durante o ano 2005 e organizadas polos movementos de renovación pedagóxica e as asociacións e fundacións con fins pedagóxicos.

Por Orde do 21 de febreiro de 2005 (DOG do 8 de marzo) a Consellería de Educación e Ordenación Universitaria convocou axudas económicas para a realización de actividades de formación dirixidas ao profesorado de niveis non universitarios da Comunidade Autónoma de Galicia durante o ano 2005 e organizadas polos movementos de renovación pedagóxica e as asociacións e fundacións con fins pedagóxicos.

Vista a proposta formulada pola comisión de selección, e de conformidade coa base 10 da convocatoria,

RESOLVO:

Primeiro.-Conceder, con cargo ao concepto orzamentario 07.04.3221.480.0, as axudas que se relacionan no anexo I desta orde.

Segundo.-Denegar as axudas solicitadas, polos motivos que se especifican, ás asociacións que figuran no anexo II desta orde.

Terceiro.-O pagamento das axudas económicas farase unha vez realizada a debida xustificación. A xustificación farase de xeito individualizado, por actividade, segundo a cantidade asignada pola comisión de selección.

Cuarto.-O prazo de xustificación, segundo o punto 11 da orde de convocatoria, remata o 30 de outubro de 2005, para as actividades celebradas ata o 30 de setembro incluído, e o 25 de novembro de 2005 para as actividades realizadas en outubro e novembro do mesmo ano.

Quinto.-Autorízase a Dirección Xeral de Formación Profesional e Ensinanzas Especiais para ditar as instrucións necesarias para a aplicación e desenvolvemento desta orde.

Sexto.-Contra esta resolución, os interesados poderán interpoñer recurso potestativo de reposición perante o conselleiro de Educación e Ordenación Universitaria, no prazo dun mes contado a partir do día seguinte ao da súa publicación no DOG, segundo o disposto nos artigos 116 e 117 da Lei 4/1999 (BOE do 14 de xaneiro) que modifica a Lei 30/1992, ou ben directamente o recurso contencioso-administrativo no prazo de dous meses perante o Tribunal Superior de Xustiza de Galicia.

Santiago de Compostela, 5 de xullo de 2005.

Celso Currás Fernández
Conselleiro de Educación e Ordenación
Universitaria

ANEXO I

Convocatoria de axudas a MRP e asociacións
Orde do 21 de febreiro de 2005
(DOG do 8 de marzo de 2005)
Axudas concedidas

| | | |
|--------|---|-------------|
| 1 | Fundación Quinesia | 650,00 € |
| 2 | ANPE | 8.088,75 € |
| 3 | ANLLAR | 1.592,13€ |
| 4 | Asociación Profesores Inglés-Apiga | 919,57 € |
| 5 | Confederación Intersindical Galega do Ensino | 9.100,00 € |
| 6 | Federación do Ensino de CC.OO. de Galicia | 6.538,40 € |
| 7 | Nova Escola Galega | 5.483,65 € |
| 8 | Centro Filosofía para Nenos/as Galicia | 919,60 € |
| 9 | Asociación Profesores Español Alvaro Cunqueiro | 820,77 € |
| 10 | Colectivo Xelmírez | 919,60 € |
| 11 | AGAPEMA | 1.542,72 € |
| 12 | Sindicato de Traballadores do Ensino-STEG | 7.529,01 € |
| 13 | Música na Escola | 941,23 € |
| 14 | Grupo Aletheia | 919,60 € |
| 15 | Escola para Todos | 1.839,20 € |
| 16 | Asociación Profesores Lucense de Educación Física | 870,18 € |
| 17 | MRP ASPGP | 4.604,64 € |
| 18 | Fundación Valle del Sil | 2.647,65 € |
| 19 | Asociación Socio-Pedagóxica Galega | 7.733,62 € |
| 20 | Asociación de Ensinantes do Salnés Candee | 2.511,73 € |
| 21 | Asociación Cultural Sine Nómine | 870,18 € |
| 22 | Asociación Pedagóxica-Cultural Soutullo | 990,64 € |
| 23 | Escola Viva | 5.597,95 € |
| 24 | FETE-UGT de Galicia | 2.653,80 € |
| 25 | MRP Escola de Verán Univ. Pop. Corcubión | 2.123,36 € |
| 26 | MRP APJEGP | 4.246,72 € |
| 27 | A.R.P. Paidés Parthenoi | 7.497,30 € |
| Total: | | 90.152,00 € |

ANEXO II

Axudas denegadas

| Entidade | Nome actividade | Motivo da denegación |
|--------------------|--|--|
| Fundación Quinesia | Prevenção e intervención nas dificultades da aprendizaxe | Incumprir o artigo 1 da Orde do 21 de febreiro de 2005 |
| Aptega | V Xornadas de tecnoloxía de Galicia | Incumprir o artigo 1 da Orde do 21 de febreiro de 2005 |